

4Ps Beneficiaries Gitambagan

By: Noy Juriana

Si Mayor Lolita A. Moral naghatag ug inahanong tambag sa mga nakadawat ug tabang pinansyal sa Pantawid Pamilyang Pilipino Program (4Ps) gikan sa Department of Social Welfare and Development (DSWD) nga gipahigayon sa municipal hall sa Lungsod sa Braulio E. Dujali, Davao del Norte, niadtong Abril 13, 2011.

Matud ni Mayor Moral, *“ang kwarta nga inyong madawat gikan sa 4Ps palihog gamita ninyo sa katuyoan ug sa tumong sa maong kwarta, tungod kay alang kini sa edukasyon ug maayong panglawas sa inyong mga anak. Isiguro gayud ninyo una sa tanan, ang pagpa-eskwela sa inyong mga anak. Ayaw ninyo gamita ang maong kwarta sa walay kapuslanan, sama sa sugal ug sa bisyo, ilabina na nga tali-abot ang Semana Santa. Usbon nato ang atong life-style. Paningkamutan nato nga mapalambo nato ang atong relasyon ngadto sa Ginoo ug sa atong isigkatawo.*

Isip inyong mayor paningkamutan nako pinaagi sa Sanggunang Bayan nga madungan ang mga livelihood programs sa atong munisipyo aron matabangan nga dili maglisud ang atong mga katawhan, kay kung maglisud ang atong katawhan, maglisud usad ang atong lungsod”.

Gipahibalo usab ni Ms. Angelina P. Taculin, Municipal Social Welfare and Development Officer (MSWDO) nga kung adunay mga reklamo o problema mahitungod sa 4Ps ipadangat kini pinaagi kay Ms. Mary Edith A. Hilario, Parent Leader of the Association. Ang pag release sa pondo himoon pagkahuman sa duha (2) ka bulan o bi-monthly. Ang budget sa maong programa gikan direkta sa DSWD Central Office-Manila. Kadtong mga beneficiaries nga nakadawat sa unang pay-out o release apan wala naapil sa ikaduhang pay-out malagmit wala nila natuman ang requirements nga kinahanglan tumanon sumala sa polisiya.

“Ang Pantawid Pamilyang Pilipino Program (4Ps) usa ka national government program, financial assistance alang sa indigent families in partnership with the Local Government Units (LGUs), Department of Health (DOH) ug Department of Education (DepEd). Ang second pay-out was based on the compliance to the requirements through monitoring. Ang DOH, pinaagi sa medical check-up sa mga Health Centers ug ang DepEd pinaagi sa pagpa-eskwela sa mga anak ug pagtambong sa mga ginikanan sa meeting nga ipahitabo sa matag eskwelahan, which has a rate equivalent to 85-100%. Below 85% is a ground of non-complying to the requirements. Gikan 0-14 years old nga anak cover sa 4Ps. Kinahanglan suportahan ang programa tungod kay dako kini ikatabang alang sa edukasyon ug sa maayong panglawas sa mga kabataan ug kon adunay problema duol sa parent leader o sa munisipyo aron masolusyonan ang problema”, matud pa ni Mr. Noli B. Blasquez, DSWD-Region XI Focal Person Cluster 2.